

巖居稿卷之三

翰林學士無錫華察著

五言律詩

早春園居次僅初韻

樗散任吾真
幡然早乞身
不辭爲圃陋
聊給罷官貧
荷鋤初經雨
開畦正及春
猶憐聞道晚
應媿漢陰人

僅初以詩見寄次韻答贈

地僻畏風雨入春長掩扉一從還山後又
見梨花飛世事多貝錦故人猶布衣瑤琴
勿輕奏山水知音稀

寄鴻山公

王懋明

生事久爲客故園空掩扉歸來草又長愁
處花仍飛曉鏡添新髮春寒戀敝衣牀頭
一琴在彈罷嘆知稀

寄尤郡博

遙聞授經處正對錢塘門白鳥出還沒青
山朝復昏家貧常自足官拙詎須論爲問
相如賦何年達帝闈

翁正郎見過

長夏掩衡門忽聞人吏喧如何小山桂亦
枉大夫軒草色上朱綬桐陰浮綠尊相看
詎忍別未盡平生言

聞人秋官見過

故人爲別久相見一開顏烏帶渡頭日雨
飛湖上山寒暄心不間去住意俱閒詎惜
尊中物徒令鬢鬢斑

寄陸浚明

避名豈在地梅福隱吳門種秫僅三畝著
書盈萬言身閒因謝病心靜不聞喧惟有
山中月相期盡一尊

贈郭明府

共仰神明宰憂民日不寧饕餮惟啜水出
入每披星白日靜几閣青山低戶庭時聞
頌聲作爲政欲無刑

山臺曉望懷僅初不至和姚山人韻
初日照臺上興來成獨遊天高宿霧盡木
落空山秋曉色侵殘鬢新寒上故裘吳門
隔烟水悵望空悠悠

山臺曉望懷僅初不至

姚咨

客舍起常早曠然思遠遊彌傷歲華晚來
眺高臺秋落葉滿山徑寒風吹敝裘夫君
獨不至湖水空悠悠

對菊

田園荒欲盡始悟賦歸來白髮已無那黃
花猶自開高秋伴獨卧孤月共寒杯最愜
幽人意惟憐暮色催

寄皇甫吏部

與君一別後不復見君詩重以謫居歎兼
之讀禮悲跡從黃葉散心與白雲期獨有
清秋月依然京國時

答華學士先生

皇甫訪

自予辭漢省君亦解文園雁信那能達魚
鱉可重言風塵江上淚花月夢中魂不及
秦淮水西流向國門

惠山寺與子羽話別

看山不覺暝，月出禪林幽。夜靜見空色，身閒忘去留。踈鐘隔雲度，殘葉暎泉流。此地欲爲別，諸天生暮愁。

夜訪俞汝成留別

夜訪長沙客，坐來山月升。庭虛散寒霧，榻靜明踈燈。節苦形容改，別多年歲增。憐君適輶軻，不爲謗書騰。

送施子羽謁選北上

把酒那能別，江城落木初。鄉心縈客路，寒色上征車。旅食途將暮，人情交易踈。漢廷方重賦，誰爲薦相如。

訪姚山人有詩見貽次韻答贈

幽徑滿蒼苔，聊因問字來。詎言逢盛世，猶復嘆遺才。一室自懸磬，孤雲時抱臺。不妨長偃卧，門外有車廻。

學士公見過

姚咨

荒齋半是苔，忽枉使車來。
愧我蓬蒿質，憐君羽獵才。
未能忘竹徑，不復夢蘭臺。
空有白駒咏，臨岐首重廻。

山中得楊同年邦臣書

故人不可見，萬里見緘書。
謫去官無定，別來情未踈。
鄉心江上劇，諫草篋中餘。
桑梓依然在，楊故無錫人何年同隱居。

東園雜詠和僅初韻

半壑飛梁影，參差逐勢成。
迸泉一山破，片石兩崖生。
把酒空中嘯，看花樹杪行。
更宜留夜賞，孤月起江城。

右石橋

鑿坏宛成室，偏側嵌危岡。
花發洞門隱，雲生石几涼。
隔巖通水氣，幽隙引晨光。
豈是逃禪處，塵心已坐忘。

右巖屋

野性好種植，灌園甘自劬。
山居恒遠市，客至易充厨。
食肉已忘味，茹蔬寧厭漚。
大烹

豈不貴藜藿可常須
右藝圃
索居宜歲晚寒樹已成林自得蕭疎意何
傷遲暮心春歸隴水外雪滿草堂陰獨卧
江城月那堪長笛吟
右梅塢
屏居湖上地一室見空明慮滌塵氛淨神
閒夜氣清探源恒得象粹累且逃名總是
衡茆陋蕭然無俗情
右洗心

呂禹城時新見過

直道多見黜故人俱罷官偶來棲隱處一
盡平生歡日暮鳥飛疾雪晴山氣寒相過
寧厭數歲晚論交難

送郭郡侯入覲

爲羨二千石漢廷懸璽書言從股肱郡去
謁承明廬名在公卿後功存保障餘還憐
借寇意春日早旋車
半窺
上
參
夜
過
文
甫
姪
酌
別
露
空
參
葉
盡
寒

溪上偶招尋雲容澹夕陰霜空殘葉盡寒
燭夜堂深室邇追歡數年窮離思侵相逢
但取醉無復問升沉

贈劉郡倅

汙俗易爲染其如苦節何守官惟啜水行
縣但絃歌境遠虎知避門閒雀可羅人言
比劉寵猶覺一錢多

長橋夕眺

石梁宜夕眺烟景際初晴月出山郭靜夜
深湖水明漁洲遠火映野寺疎鐘鳴却憶
斬蛟者千秋空令名

王維楨左遷南戶部

適意在山水何知官左遷况當失馬日猶
是棄繻年獨往已成癖苦吟常不眠秋風
度江鴈願寄相思篇

寄蔡正郎

爲愛中郎秀才名海內聞笈然讀禮日猶
注太玄文閉戶長秋草看山隨白雲長空
有寒鴈獨夜愴離羣

訓翰學華先生

蔡汝楠

知君謝朝謁山水賦尤工才邁雕龍客心
齊失馬翁烟霞留戶內花竹隱墻東莫道
風流意如今異洛中

寄李諸暨

君家老聃後爲政無苛煩野雉擾廳事桃
花盈縣門省躬時閉閣對客但開尊遙慰
山中望雙鳧入帝闕

臺上晚眺

落日愜幽意條然獨上臺寒流雙澗合秋
色衆山廻片石入蒼靄一松眠古苔閒心
將野眺物外日悠哉

錢質卿見過

故人重相念日暮到林丘
話以寒暄積心因信宿留
山容落木晚月色澄潭秋
共悟忘言境知君靜者流

蔣戶部權稅澣墅

萬里銜君命辭家來遠遊
嵐蒸貴竹雨月照吳門秋
王政言譏市漢臣爭權舟
憐君到關後無復事誅求

送吳編修北上

江頭送君處日夜柳條青春
未孤帆疾斜陽別酒醒圖書
隨驛路獻納向明廷稽古
大方奚無令負一經

雨中過吳尹山莊寓宿

興來尋五柳冒雨到山莊
殘葉覆茆屋流雲明石梁
酒容清對奕詩意促飛觴
信宿那能去幽棲夢不忘
此情難盡說

溪南讀書處秋晚數經過寒氣隱城樹蒼
烟深壁蘿慙明山翠近地靜葉聲多叢桂
空巖暮徒懷招隱歌交情豈可兼賦詩
興來送孫郡博之任嚴陵外郎中丞
憐君老學究白首曳儒裾祿米僅充養行
囊惟束書人稱明復後地是子陵居多士
傳經暇臨灘可釣魚前秦中允王侍御罷官歸天台

聞道天台勝山深多隱淪相逢採藥處俱
是避名人月出不知夜花開長見春何由
一縮地結宇共爲鄰

秋日閒居漫興三首和僅初韻

高齋著書暇雲盡見諸峯已卜青山宅言
追處士躡溪深度夕鳥地靜聞疎鐘蓬戶
無人到蒼苔一徑封

獨對五柳秋風門巷貧斷虹殘照盡涼

兩暮蟬新齊物懷莊叟無機學丈人吾言
豈虛誕茲意本來真

荒徑生秋草山中獨掩門時從牧豎出偶
與鄰人言學道同窺井全身異觸藩閒心
寄流水倚杖一窮源

秋日閒居漫興三首

王懋明

閒來北窓下了了見雲峯未釋形骸累徒
懷禽尚蹤晤言清夜月留客翠微鐘數畝

長荒穢無心學素封

僻境但流水秋風隱業貧石門槐葉暗茅
屋豆花新晚食忘求味天游嬾狗人將師
廣成子澹泊葆吾真

屢空亦自得偃息有衡門不出人間世時
爲象外言撫琴聊求日藝圃任無藩此意
何人會裁書與巨源

夜宿田舍

郊居觀穫罷暝色滿荆扉歲事山田薄人
家茆屋稀荒原寒照歛獨樹暮禽歸夜靜
然燈坐高窓黃葉飛

寄沈尹

三載尚居廬家貧恒晏如河汾聊自給政
府久無書節苦宦逾拙服窮衰有餘願因
趨闕便一枉故人車

題吳尚寶水雲居

言訪幽人跡林居常閉關入門行曲澗開
榻對寒山流水自晝夜白雲空往還如何
負猿鶴却向市朝間

送教兵憲轉叅山東

宦轍本無定浮生如轉蓬風塵靜海上旌
節移山東試以刑名學旋收保障功應憐
江漢客時夢省垣中

秋雨山中與僅初晚酌有感

時違幾早見身退意俱安五斗詎須問一
尊聊自歡山光捲簾暮雨色到池寒已信
謀生拙寧辭布褐單

送郭明府擢官戶部

茂宰古遺愛境中多頌聲方勞民社計忽
拜司農卿驪歌催曉騎花色滿春城坐惜
言游去何人知滅明

芝谿詩爲蔣上舍作

自居鑿江上迢遞憶吳關棲鳥尋故處歸
雲懷舊山春明紫芝秀月照清谿閒孰謂
川途遠神游時往還

與僅初過思閒草堂

繞屋藝桑柘何年此卜居山齋客到後村
杵飯香初已是相過數猶言讌會踈坐看
新月上黃葉散寒墟

過思閒草堂

王懋明

黃葉滿村巷幽人成隱居水田禾刈後家
甕酒香初地靜鳥羣逸天寒山翠踈衡門
笑語罷新月映前塍

寄唐同年子鎮

罷官二十載日向一庵居

唐號一庵

不復議時

政但言耽道書名垂著述後家給蠶桑餘
我亦遺榮者因君益澹如

夜訪金秀才

獨夜山陰客停橈江月斜溪深聞犬吠葉
盡見人家荒徑存生事寒燈映鬢華坐看
霜氣白宿雁滿平沙

題友竹卷

世上無可偶山中惟此君身因苦節瘦道
以虛心聞榻靜寒聲近窓明踈影分平生
任蕭瑟歲晚自爲羣

送談同年轉台郡二守

浮雲本無繫，去住欲何爲。山郡興自僻，大
夫官不卑。俸錢足酤酒，暇日但吟詩。莫入
天台去，花深失路岐。

寄同年張太常

維舟憶濟上，跡逐濟流分。君去羈黃綬，予
歸卧白雲。行藏惟自信，寒燠豈相聞。莫謂
生涯薄，山田猶可芸。

偶作一室名曰如禪，僅初有詩，因次

其韻

趺坐恒一室，居然是曇摩。百骸盡槁木，半
壁唯垂蘿。榻靜夜蟾入，簷虛春鳥過。忘言
意自會，祇覺筌蹄多。

送秦思宋北上

故人悲遠別，秋色滿江門。鴻鴈那堪聽，風
波詎可論。未能辭世祿，聊欲報君恩。幕府
應多暇，山中勞夢魂。

酌紅梅下和姚山人韻

巖梅發紅萼獨樹明高林春晝鳥鳴寂雪
晴山閣陰鄉愁不入夢歲序自驚心對此
生華髮寧辭杯酒深

酌紅梅下

姚咨

種梅湖上隱高樹已成林風暖浮花氣岡
廻抱夕陰了無塵土夢均有歲寒心一笑
對尊酒悠然思轉深

懷王僉憲

耳目豈無好憐君罕所經韜精守黃白託
意弄丹青雲壑晝常卧草堂時不扃幽踪
如可訪雪夜一揚舲

楊山人自號木菴賦此爲壽

抱道不偶世閉門恒守株蕭然任樗散無
復問榮枯匠石已知壽商容仍見趨犧樽
豈足貴未與大年俱

過堪陽山居

林泉愜嘉遁乘興訪幽踪
野曠餘寒照山深多亂峯
潭煙生暮色水木澹秋容
不是桃源地虛疑物外逢

送徐節推應召北上

斷獄多平恕人稱徐有功
徵書自天上薦刻出臺中
馬踏寒城雪帆開曉渡風
吾民已憔悴願一達宸聰

朱南安罷官歸

五馬詎云貴數椽聊自安
徑荒門柳在稅薄山田寬
屏慮時調息全身早挂冠
惟餘物外意河上獨盤桓

陸浚明卧疾

憐君耽著書多病類相如
况以窮愁日兼之衰毀餘
衰遲傷歲暮牢落歎離居
誰念文園卧蕭然空做廬

春夜宿虎丘僧舍次姚山人韻

言尋方外勝乘月宿禪宮香氣空巖裏經
聲清夜中衆生聞道異真境識心同彷彿
東林下令人憶遠公

春夜同學士公宿虎丘僧舍 姚咨

春水方舟疾清宵得梵宮偶從金馬客來
宿翠微中一室慈雲淨諸天慧月同未能
留半偈應自愧生公

生公臺坐月次姚山人韻

寂滅生公跡千秋一上臺月華凝片石夜
色淨纖埃佛性因空見禪關待悟開何年
逢大士重爲講經來

同學士公生公臺坐月 姚咨

入夜羣動息因登說法臺天花浮象緯色
相淨風埃解使頑心化忻逢慧眼開十年
空學道今始悟如來

送郭郡侯考績之京

君侯古循吏爲郡多賢聲
早夜勞民事須臾報政成
虞廷咨岳牧漢主待公卿
獨有巖棲者空餘借寇情

初冬日過子靜弟山居

晚來留客處幽意滿林居
池夕水容澹寒木葉疎
開尊對山菊炊黍薦園蔬
戀賞那能已燈明未夜初

懷楊山人

故林非遠別何以動經年
身老應多病途窮復少錢
柴桑隱白髮燈火照青氊
爲問平生意誰如鮑叔賢

秋初雨後同姚山人山行二首

山中秋氣早一雨滌煩襟
坐愛澄潭影涼分碧樹陰
鳥窺棋局靜竹映酒杯深
况迤天界彌生遺世心

空山秋雨霽，載酒一從君。
林靜發清磬，潭虛生白雲。
登臨聊適意，去住自爲羣。
歸路溪橋晚，涼蟬噪夕曛。

秋日山行次學士公韻 姚咨

偶思禪誦處，秋日一澄襟。
泉出香臺冷，風生慧樹陰。
六塵俱是幻，千偈本來深。
願傍叢林住，觀空悟此心。

委巷寡儔侶，相携獨有君。
清晨往空谷，飛蓋濕行雲。
地僻僧從野，臺荒鳥自羣。
獨傷兵燹後，未忍坐宵曛。

送王教諭歸天台

舊是天台客，春風悵別期。
還尋采藥處，正值花開時。
白鹿如可放，青山惟所之。
獨留遺範在，猶繫及門思。

荆溪曉發

挂席出溪口，微茫天漸明。
殘星帶高樹，春

水抱孤城野曠月初沒村深雞亂鳴停舟
問漁父誰識濟川情

韻贈別
顧經衛長治將赴滇南有詩見懷次

悵望青門路蹉跎白髮年君方試戎幕吾
已賦歸田仗劔衝殘雪停驂候夕烟南中
逢北鴈一爲寄瑤篇

送戶部兄權稅九江

相送潯陽去春風過皖城開關廬嶽近對
面楚江平官廨少公事商船多頌聲惟餘
好客意時復有逢迎

贈顧憲副

日夕厭塵鞅曠然生遠心結廬清溪上坐
對寒山陰初陽照虛洞秋水開澄襟即此
是丹窟松期何處尋

寄吾文選

益門書一壺

憐君典選日賓客常盈門世路一遭蹶人
情多負恩寒暄自相代桃李亦何言獨有
窮交在平生猶可論

人日舟中作

人日偶乘興挂帆江雪殘凍雲含落照暝
樹帶餘寒意態隨年減風波向夕安如何
行路者見險始知難

過善卿兄宅

家貧仍好客湖上每相留犬吠柴門靜鳥
啼花徑幽齋心惟淪茗縱目且登樓萬物
都無累蕭然一白頭

寇退還家

霜鬢日以短可堪經亂離寧圖奔竄後復
覩旋歸時寒日照蓬戶秋風吹槿籬鄰人
暫相慰入室轉淒其

味對送姚山人解館

相携自京邑十載同丘樊忽作束書計能
忘傾蓋言江梅閒照戶山月靜臨軒獨抱
孤琴弄離懷詎可論

歲晚過圓通寺

扁舟一乘興歲晏訪禪林落日空門迴長
松古殿陰溪聲晚風急野色寒雲深坐入
無生境因窺靜者心

東吳游覽詩爲汪山人作

平生好游覽浪跡滿東吳買地開三徑移
家傍五湖月明時放棹客至漫操觚爲問
風流意年來復有無

送錢太僕之滁陽

日暮送君去悵然悲有餘風塵滿故國山
水獨環滁到處惟聞寇逢人輒寄書親交
漸相遠白首歎離居
興來雨中過比部兄真休亭

興來訪南郭春雨滿林園池上寧勞夢山
中可坐論疎梅寒自落幽鳥晚猶言盡是
忘機者陶然共一尊

送潘端學解館

別路豈云遠憶君情有餘養生時謝病讀
禮尚居廬鳥下苔階靜月明松榻虛山中
歎離索况復歲將除

偶過善卿兄宅

曳杖隨所適盤飧無宿期新寒炊餉早暮
雨行杯遲世難猶未已人生安可知况逢
搖落候鴻鴈豈勝悲

飲憲副兄宅用前韻

林居悵幽獨尊酒晚相期陋巷逢人少深
山落木遲道窮玄鬢改盟在白鷗知壯志
那堪說高歌但益悲

對音瞿侍讀見過

憶昔相知日秋江歌麻鳴君今在霄漢吾
已返柴荆失路悲前事離居念友生山中
一枉駕信宿見交情

春日王明府郊行

飛鳥出平林千村生綠陰共言省耕日獨
抱憂民心雨甸麥苗秀春城花氣深縣齋
復何事端坐但鳴琴

湖上曉望和僅初韻

柴門一曉望野色尚依微山向霧中出鳥
投明處飛溪聲入茆屋雨氣襲絺衣平旦
心方寂逢君解息機

送陸茂才還婁江

客情傷歲杪促駕返平原雨雪空殘壘干
戈滿故園思深文寡和行蹇道彌尊別後
應相憶諸生猶在門

當茲送陸郡博赴天台

宦遊聊適意祿薄亦何辭
旣解縣官印還爲多士師
琴尊晝日靜桃李春風遲
一作天台客寧知失路時

歲晚過夏姪真賞齋

歲晚得招攜歡然一解頤
松陰雲自宿雪意鳥先知
開閣愜真賞論文祛故疑
殷勤詎能別寒月下前墀

山中和文壽承韻二首

林色晚來淨秋聲雨後新
偶然松下坐對此山中人
流水任去住白雲忘主賓
安能向城市終日勞形神

客來常不厭愛此山房幽
樹色先秋變泉聲帶雨流
素琴聊取適野酌自相酬
况有江淹興詩成擬惠休

雨後山中陪文壽承書碑和李戶部

韻

雨後一乘興來觀山下泉秋聲墮巖樹空
色飛潭煙草聖遇張旭逸民希少連與君
同卧此永謝區中緣

山中得同年連憲副書

山中方獨卧忽枉故人書
眠食勞相問寒暄慰索居
江空木葉散天遠鴈行踈
惟有同心者無論出處殊

再過望湖別業次僅初韻

濠梁開別業棲跡愛幽人
犬吠山中月花留湖上春
養生時鍊藥適意且垂綸
煙水茫茫去重來一問津

再過望湖別業

王懋明

歸舟歷濠上重爲訪幽人
高閣來山月餘花延暮春
生涯在農圃閒適有竿綸
吾已果忘世無心復問津
蘇軾詩集卷下
學人善卿兄避寇來城邸相依

烽火暗城闐，徬徨得所因。途窮聊寄食，客
久愈諳貧。憂世言何補，離家情轉親。可堪
蒙難日，俱是白頭人。

送秦太守赴姚安

迢遞南中路，鷓鴣行處聞。氣蒸千嶂雨，身
入萬重雲。政教通王國，懷柔待使君。誰言
五馬貴，猶自歎離羣。

秋日社會次比部兄韻

良辰復高會，風日正秋清。投跡空門社，洗
心寒澗聲。簷楹雙樹合，几席片雲生。獨以
干戈後，登臨一愴情。

送僅初入閩校書

好奇貪遠涉，性僻慕羣書。芒屨恣周覽，芸
窓讐魯魚。神游武夷外，緒論考亭餘。白首
殘經在，新知幸起予。

送顧長治判蔚林

春風吹別路望斷西南陬黃鳥啼津樹青
山對驛樓才高多遠宦興至即佳游况是
蒼梧野白雲相與留

送顧提舉之官嶺南

海徼多炎瘴秋風愴別離一官聊自適萬
里亦何辭酒散津亭暮帆開江樹移嶺南
春信早為報故園知

尚侍御見寄靖江八景詩次韻答贈

木落秋水淨澄江天共長寒容映空霽霜
氣破微茫憤擊中流楫廉投外域香停橈
試登覽初日在扶桑

右長江匯流

突兀一峰秀蒼然薄太清月明隔烟嶼雲
斷見秋坪剎向中天落潮從極浦生雅懷
同鎮定獨坐對鷗盟

右孤山屹鎮

登車聊問俗雞犬滿江村地僻行人少民
稠生事繁晚田喧野雀秋水到柴門澤國

寧憂卑清霜落舊痕

右田廬屋布

行行江上路四望絕烽烟弛禁幸不擾罷
兵逢有年販夫仍入市戍卒盡歸田吉甫
言旋日寧忘六月篇

右烽堠烟消

使君心似水到處見澄清品擅中流勝源
從地底生藻香文甃潤花影石闌平行道
何須惻長流濟世名

右長菴井冽

諸溪一何廣水漲覺潮平沙淨涵秋色天

空起夜聲亂流通巨浸極浪擁孤城何處
乘槎客遙聞簫鼓鳴

右諸港潮平

斷碑荒蘚合歲月未全磨勝跡懷先哲方
言辨俗訛篆因風雨蝕文是鬼神呵爲惜
沉埋久停驄試一摩

右馬沙遺碣

漁舟橫別浦時聽夜榔鳴帶月行吟久隨
風入夢清寒沙驚宿鴈夕渚落秋英浪跡
何勞問煙波寄此生

右漁浦鳴榔

中甫過嘉遜園有作次韻

客至可留賞清陰方滿園聊尋五嶽伴况
在一山村永晝坐丹室薰風吹綠尊悠然
已忘世相對復何言

送錢儀賓還樂安

年少去賓王歸來鬢未蒼鼓鼙消舊業琴
瑟伴空囊詎謂晝遊樂轉懷晨省傷送君
江上別烟水正茫茫

送沈明府調官

君侯能下士巖穴每相尋好善無他技愛
民惟此心中常閉閣花下但鳴琴去住
寧須問憐才意獨深

送林郡倅擢大名貳守

五馬去翩翩臨歧思悵然寒雲隨別駕霜
菊照離筵黔首多遺愛緇衣獨好賢郡齋
知有暇應一弔澶淵

贈江右劉山人

客久不知歲，詎知囊有無。
交情重一諾，俠氣傾三吳。
自託堪輿術，常携海嶽圖。
迨迨楚江上，春鴈滯歸途。

冬日送周上舍歸婁江

歲晏束書去，悠然返故園。
爲文已自信，生事復何言。
落葉藏深徑，疎梅帶遠村。
離情不可極，寒日下荒原。

巖居稿卷之四

翰林學士無錫華察著

七言律詩

寄同年陸給事

著書經歲掩蓬扉，江左才名重陸機。
宅近寒塘黃葉滿，窓開遠岫白雲飛。
山中春草輕朱綬，夢裏晨鐘隔瑣闥。
自昔蠻荒投竄後，至今朝省諫書稀。

文壽承見過有作次韻酬之

分違猶記秣陵秋，何意相逢盡白頭。
憔悴不堪漁父問，棲遲翻媿鹿門遊。
山陰曲几留書跡，湖上孤帆繫別愁。
獨有離居傷歲晏，思君清夜未能休。

送蔣戶部奉使北還

高館悲歌敞別筵，使君行色在樓船。
九江落日明秋水，八月空山響暮蟬。
鄉信正逢

南鴈度，離心先共北帆懸。
獨餘猿鶴留三徑，相過徒令二仲憐。

復碧山吟社和王侍御韻二首

曾聞高蹈碧山南，試叩山僧事尚諳。
雪積林扉寒不掃，月明空水夜相涵。
吟壇久廢名猶在，策杖重來路可探。
爲看當年誦經處，惟餘松影護禪龕。

自杜盟寒慨昔賢，偶尋遺跡契冥詮。
行逢

野老頻爭席，坐對鄰僧，卽問禪林，盍獨專
方外勝烟霞，圓結靜中緣，莫言塵劫俱銷
歇，惟有真無得自全。

寄廣東尹僉憲

故人寂寞卧林丘，獨向天涯問舊遊。
中夜嶺猿何處月，西風江鴈幾聲秋。
嵐蒸碧海多炎瘴，雲近蒼梧起暮愁。
廿載先公門下士，對君猶自淚雙流。

送錢太僕質卿赴滁陽

風波到處不堪聞，秣馬看山獨羨君。
座上列卿同吏隱，省中清晝但論文。
迷途試問襄城牧，長駕還空冀北羣。
却恨故人輕別去，夢回明月滿江濱。

過蓉峯別墅

養晦深山學老農，每從白社閱閒踪。
停舟試問門前柳，載酒還尋湖上峯。
徑繞蒼烟

生薜荔窓臨秋水暎芙蓉幽居便是神僊
宅辟穀寧勞問赤松

送吳內翰奉使過家北上

帝子分封禮數優遠煩詞客下螭頭還家
偶入青山社載筆仍趨丹鳳樓禁苑花明
雙闕曙江城楓落片帆秋十年無復瀛洲
夢潦倒因君憶舊遊

和王侍御六十夢中自壽韻

憐君詩向老來工共說江淹有夢通到處
祇應令荷鋪逢人不復避行驄論心獨與
焚魚客問道無如牧馬童一自藏書從柱
史丹經何用訪喬松

酬蔣戶部

落日停雲一愴神相知猶歎白頭新風塵
未罷江南戍花鳥空餘湖上春不是離羣
耽索處祇緣多病學全真年來踪跡何勞

問擣散元非用世人

送王明府擢南戶曹

秣陵雲樹愴離襟
退食委蛇畫省深
官向宦成收令譽
人從交久見初心
青鞋不到言游室
白日空餘單父琴
獨有去思存廟貌
年年花色照湖陰

送唐編修起官職方和比部兄韻

夫君出處繫蒼生
司馬才名重洛京
江上

離心空日暮
天涯回首正春明
中原道路風塵靜
北闕星辰夜氣清
却怪烟霞舊成癖
五湖三徑尚多情

韻

佳辰憐獨臥幽况愜初晴畏病寒容早耽
詩秋思清霜涵小池潔日照遠峰明道在
寧諧俗身閒爲避名殷勤倡酬意契濶友
于情荒徑滿苔色高齋惟鴈聲餘歡存菽
水雅興託蓴羹爛熳陶潛菊飄飄子晉笙
牕虛黃葉下臺迴白雲橫對此不復飲其
如華髮生

巖居稿卷之六

翰林學士無錫華察著

七言排律

題春流出峽圖次學士王先生韻

萬壑千峯一望開
春流百折繞琴臺
山形直向劒門削
江勢宛成巴字來
信是奔騰能轉石
縱然清淺豈膠杯
湍聲應遠疑懸瀑
雲影涵空不染埃
般礴真諳畫史意
風

流寧讓謫仙才川名濯錦花爲浪水近嘉
陵雨洗苔碁向此中觀灑瀨更於何處訪
蓬萊平生三峽無由到試展丹青亦快哉

巖居稿卷之七

翰林學士無錫華察著

五言絕句

送顧長濟謁選之京

謝病日閉戶草玄時寓情誰知貴公子宛
似一儒生

本是逃名客幡然謁帝京不辭關路遠猶
載五車行

鴻鴈書難寄
干戈路始通
秋來正相憶
霜月墜疎桐

送施教諭赴蘄水

柳暗龍潭雨
花明蘄水春
廣文聊適意
祿薄豈言貧

蘭氣清齋閣
雲容澹墨池
詎言桃李晚
春在上林枝

白雲堂

虛堂澹秋色
鐘梵寂無聞
盡日觀空處
悠悠惟白雲

大悲閣

高閣凌青冥
極目盡吳會
諸天入望低
影落羣峯外

黃公磧

白石何巉巖
寒流自清淺
覽古空悲懷
夕陽暎蒼蘚

題類
君來洞

開士愛巖棲
白日常卧此
經聲已寂
寥石屋空流水

顧僉憲見訪不值

秋風掩重門
湖上棹空輟
月明滿蘆花
疑是山陰雪

主人湖上歸
客子已返棹
浮雲自去來
吾亦從吾好

巖居稿卷之八

翰林學士無錫華察著

七言絕句

夜坐善卷禪堂贈僧寶華

啜茗禪房山月斜
上方燈火聽楞伽
真僧獨悟空門妙
夜靜諸天雨寶華

送楊縣丞致仕歸

北人南宦每思歸
不待秋風便拂衣
却笑

漢廷紆組客何如梅福早知幾

以瓜寄教憲副

秋瓜初熟邵平園摘獻臺中一解煩只恐
使君將代去相如消渴更何言

寄郭郡守

寂寞空山卧白雲長安世事不相聞清宵
忽夢傳天語爲重淮陽一召君

和施子羽冬日偶言二首

層坂牛羊下夕曛閉門猶草太玄文逃名
擬向深山住入獸依然不亂羣
楓林零落槿籬疎燈火時聞夜讀書不見
淮王來載酒何人知是子雲居

寄任寺副

經年不見任廷尉虎額虬髯幾夢思遙向
溪南問脩竹平安爲報故人知

問陸浚明疾

故人多病卧江干，積雨空齋五月寒。日夕
思君但垂淚，不知誰爲勸加餐。

題送行圖

落日溪山生夕陰，方舟尊酒愴離心。那堪
回首孤帆遠，夜靜月明烟樹深。

送葛臨海歸京師

八月潮平送客船，秋風行李正蕭然。囊中
但有長生藥，一路人稱是葛仙。

寄學士張先生

見幾爭說漢留侯，一旦功成便乞休。獨有
商山謀未定，可能終伴赤松遊。
白門當日共焚魚，一卧江城十載餘。憂樂
每從占出處，碧山風月近何如。

送何節推應召北上

雨歇津亭暑氣消，斜陽疎柳亂鳴蜩。江門
已帶新秋色，爲送仙槎銀漢遙。

五更鳴玉聽朝雞
雙闕星河拂樹低
試問一封何處草
夜涼燈火掖垣西

嘉遁園

用世無能早見幾
看花日日到郊扉
年來却笑陶彭澤
三徑將蕪始賦歸

木石居

一徑逶迤萬木稠
亂峰深塢草堂幽
空山盡日無人到
曳杖時從鹿豕遊

忘言齋

幾年埋跡在丘樊
一室重關可避喧
窗外雲峰常滿目
主人終日復何言

松筠閣

高閣凌虛對遠峰
綠筠無數間蒼松
清陰自與炎歊隔
日向丹梯陟幾重

碧山堂

碧山深處是吾廬
面面迴塘勝石渠
風景

不殊容鬢改向來贏得早焚魚

知退軒

日轉桐陰午夢殘物情常向靜中看平生
學易無他技獨有先幾在掛冠

避暑處

新篁繞屋長千竿白日陰陰六月寒幽徑
已無塵跡到祇應高臥聽琅玕

清機閣

月上孤峰靜夜分憑高四望絕塵氛天空
萬籟聲俱寂惟有疎鐘在白雲

學歐舫

白首方知行路難江湖曾歷幾驚湍齋居
已悟前修意不涉風波夢亦安

水月軒

寒潭皎鏡月娟娟明燭鬚眉真了然夜色
自生虛室白漫將流水付清絃

面壁亭

跌坐居然是達磨孤亭突兀對巖阿山深
晝靜無人語惟有丹崖掛薜蘿

晴雪軒

梨花香靄日初暄庭院無人鳥自言一夜
風吹千樹雪誤令詞客賦梁園

水竹居

檻外疎篁蔭石渠水聲和月到林居清修

自得幽人意不是持竿欲羨魚

虛白齋

歲晚山空夜氣清坐來幽室自通明真機
獨向蒙莊悟一點天光靜裏生

梅花磴

疎梅照雪一谿明白石離離瘦影橫最是
幽人傷歲暮水邊亭畔更多情

能老窩

一從歸臥碧山深歲月悠悠白髮侵倦鳥
但知巢處樂扶搖萬里復何心

碧山仙隱

瀛洲空羨列仙居何似山中舊草廬高臥
不聞金馬詔閉門時讀養生書

獨觀閣

小閣聊容膝安晴牕高對碧峰寒憑虛
獨得超然意萬物皆從靜裏觀

自適齋

自信年來見道真山中白髮任相親杖藜
隨處惟吾意俯仰安能復殉人

狎鷗軒

山中長日掩荆扉溪水悠悠無是非老去
漸知機事少相親惟有白鷗飛

留客處

琅玕千尺晝陰陰片石蒼苔一徑深盡日

可淹佳客坐相看不改歲寒心

萬玉山房

瀟湘秋色滿山房白日清陰覆石牀一鳥
不鳴蓬戶掩半空惟聽奏琳琅

題橫翠樓

溪邊畫閣靄春暉雲外高牕面翠屏微遙望
仙人鍊丹處朝朝常見紫霞飛

題畫次陸子傳韻

論交誰謂白頭新歲晚相看意轉親况復
深山有茅屋眼前俱是避名人

寄舊令尹萬方伯

十年薇省綰金章風骨依然鬢未霜鴻雁
不來鳧去遠獨留花色在河陽

贈善卿兄

衡門無客畫常關身為家貧老更閒白髮
短筇堪作伴年年湖上看青山

題子靜弟別墅

東山佳氣晚氤氳抱被長同臥白雲老去
鴈行今漸少年年春社莫離羣

比部兄九日臥痾有作次韻

寂寞黃花三徑間菰川迢遞白雲閒微痾
偶負登高興猶向牕中臥看山

題巖居稿後

是編廼鴻山先生錄寄我於潛陽者詩凡
若干首真成一家之言縣齋多暇展玩不
能已因刻之以廣其傳至於詩律品格則
遵巖泰泉二先生之序詳矣

嘉靖乙卯歲夏六月之吉秀水卜大有題
於舒之靜山堂

巖居稿後叙

昔人謂夏侯湛許景先爲文章溫潤豐美
恒出於中和孝弟之性蓋以言志也故凡
論詩者由之以觀性情譬則積膏注炷炬
根本枝莖無不盈沃若加撲滅其光始不
可見否則舉於堂明於堂舉於室明於室
焉往而非所燭耶正所謂仁義之人其言
藹如也然則專謂作詩者爲木蘭舉揚於

巖居稿後敘

昔人謂夏侯湛許景先爲文章溫潤豐美
恒出於中和孝弟之性蓋以言志也故凡
論詩者由之以觀性情譬則積膏注炷炬
根本枝莖無不盈沃若加撲滅其光始不
可見否則舉於堂明於堂舉於室明於室
焉往而非所燭耶正所謂仁義之人其言
藹如也然則專謂作詩者爲木蘭舉擢於

飾轅車而累無關於實用豈不憚哉陽山
華公在休以來蕭然物外與世俗疎闊且
不喜爲文章有托有司于地方者求其文
必毅然以乖文辭勤自承乏見邑之詩未
有家矣獨于公詩未嘗讀也初以公爲韜
晦不以示人者年之後始信公平日所聞
習多托意乎神仙黃白而溫良樂易尤在
願養身心培植性命之學其不喜爲文章

實不欲以文章自累耳後勤以罪

聞數月不治吏事公乃以所爲巖居稿示
焉吁然則公亦有文矣行至荆溪舟中解
讀至煙水莊東園雜詠等律慮滌神閒君
子可以觀性情焉信乎公之未嘗爲文學
蓋有所重也不然公之歸休凡幾年矣而
詩僅得二百餘章諸體浩漫而所作獨詳
於詩律何也於是益信乎願養培植之學

而不屑以技藝之長賊吾真性之本體也
其二百餘章豈非因物就事適情玩物由
中和孝弟之性而爲溫潤豐美之言哉敬
付工梓之而僭叙于末簡以與知公者共
之云昔

嘉靖乙卯孟夏晚學松滋少月王其勤叙

重刻巖居稿後序

我師鴻山先生仕 中朝幾二十年雍容

侍從以文詞爲職業其篇章之富可知也

然先生盡置弗錄獨錄其歸田以還之作

題曰巖居稿若終身隱者然蓋其志之所

尚也人見者輒請刻之先生未之許也久

之樵李卜君竟刻之潛山令之扉傳至吳

吳人王僅初者嘗從先生游倡和之作爲

多乃復請刻之吳先生曰吾無意於言也
吾暢吾情耳且身隱矣焉用彰其言夫卜
君之刻吾以爲過矣而子復何以是爲哉
然僅初之意不可已刻將成乃論於其門
人袁尊尼使叙其意始先生以才學入爲
翰林修撰擢拜學士位至清顯也遭讒稍
訕衆謂不久且牽復而先生竟抗疏乞休
拂衣歸田里其年未五十耳家素業饒先

生歸未幾羣盜伐其室胙篋而去泉布之
積殆罄然先生不以介意方日誦讀吟詠
教其諸子暇則葺圃灌畦課農自適不復
更問作業事後數年海寇充斥浸入內地
連犯先生之里先生散財繕兵糾民扞禦
爲鄉里先度不可久則子身携孥去之邑
城乃遂俵割腴壤振分儲廩慨然思棄家
遠遊蟬蛻塵埃之表視先世百年之厚貲

若脫敝屣焉今茲丙辰之歲先生年登六十矣衆謀所以爲壽先生方閉戶屏跡焚香默坐有來賀者輒謝而弗爲通其意泊如蓋莫可得而窺其涯也夫今天下營營而趨悲失而喜得者位耳家耳其最則年耳世之言不惑者寡矣而先生歷歷所更涉如此事變迭幻弔賀踵接曾未嘗一置欣戚於其間有莊惠之達而不襲其放有

麗梅之識而不詭其迹其所養者如此則其徘徊湖山之間容與花月之下發爲詩歌以翰寫其自得者固宜其根乎性真妙乎玄理冲粹清英不可境界而爲天下之所慕而傳也僅初之重刻于吳也其真知所尚者歟雖然觀先生於天下之物一無所累其心則先生豈欲區區以詩名銜於人者哉其志之不存蓋蓋可推也後之讀

是刻者尚考論其世可焉嘉靖丙辰九月朔門人吳邑袁尊尼百拜謹叙

重刻巖居稿後語

學士鴻山華公初官翰林時詩稷麗嚴整取法初唐及奉使朝鮮宦游兩都紀述則又雄渾俊拔駸駸乎天寶間聲律也今具載翰苑稿乙巳之歲焚魚巖棲絕志當世游心玄漠恒坐一室博觀泛覽興至則探幽躋勝發爲詩歌壹意冲澹調出天成語皆心得公詩至是凡三變而造大雅之域

矣積久成帙門人故游每見而悅之請錄之梓公不可蓋公平生之志有不在茲而不自滿假又其盛節然而海內名流莫不珍賞雖欲勿傳不可得已往歲明府卜公刻之潛陽官舍予得數編爲同志者稍稍取去自後殊不可得予以慕者衆而得之艱也弗請於公而重梓之因附平日相與倡和諸篇併臆記羣公之什公其謂予附

驥也夫其將謂予知言也夫

嘉靖丙辰秋九月吉旦後學句吳王懋明

書